

M I M

1 6 4 8



~~C. 6. 5~~
Ll, 2, 3.

30 B 10.

In usum Pedagogii
Regii Glaucensis

IN HONOREM
NUPTIARUM

VIRI

*Clarissimi, eximiâ eruditione & in
agendis causis dexteritate atq; solertiâ
Præstantissimi,*

DN. JOANNIS
NEANDRI

FRANCOF. MARCH. J. U. C. ET IN DICA-
STERIO ELECTORALI CUSTRINENSI ADVOCATI
ORDINARIJ,

CUM

Lectissimâ Pudicissimâq; Virgine,

EVA-CATHARINA COLASIA,
VIRI

*Spectabilis, Amplissimi, Consultissimi
atq; Excellentissimi,*

DN. LAURENTII COLASII

J. U. D. Eminentissimi, Serenissimi, & Potentissimi E-
lectoris Brandeb. ut & Reverendis. & Perillustris Comitis à
Schwarzenberg / laudatissimi ordinis Eqq. Joannitarum Magistri, &c.
Consiliarij, Academiæ Francof. Professoris P. Nobilissimæ
Facultatis Juridicæ Ordinarij & p. t.

DECANI

FILIA CHARISSIMA,

Francof. March.

15. KL. Decemb. Anno 1634.

celebratarum

VOTIVA

Cognatorum & Amicorum

CARMINA

Literis MICHAELIS KOCHII.

JOANNI NEANDRO,
FILIO SUO CARISSIMO
SPONSO.

Conjugium opto tibi, Fili carissime, concors:
Quale tuâ cum matre mihi fuit hætenus, ipsa
Lustra novem. nam ex quo mihi tempore tradita
ad aram est!

Furgia nulla unquam inter nos diuturna fuere,
Nec Sol mundi oculus nostram super occidit iram.
Causa fuit, quod mens nempe una, eademq; voluntas
Ambobus semper fuit: Et sua munia uterq;
Clamose alterius sine murmure ritè peregit.
Quod si consilium fueris, mi Nate, sequutus:
Conjugium tibi erit blandum, jucundaq; junges
Fœdera: succedent quoq; res feliciter omnes
Inq; domo, inq; foro, verboq; ut dixerim, ubiq;
Res etenim parvæ crescunt concordia, at amplæ
Dilabuntur, ubi lis & discordia regnant.
Prosper eris rerum, Dominum si pectore quæres
Toto, atq; ipsius verbum reverenter habebis.
Quod te facturum spero: tamen oro paternè
Ut facias: nec jam plura aut majora rogare
Te volo: nec possum tibi plus majusq; vovere.

M. CHRISTOPH. NEANDER.

H 708

Ητορ, Γαμβρὸ γάμω ἐπικλυτὴ πάριμι ΝΕΑΝΔΡΕ,
 Σώματ' ἐμῶ τηλῆ καί ποτ' ἀπ' ἐμὶ πῶ.
 Ἦτορ, μὴ μῆνον, μέλει εἰδανῶν ἤ, καὶ δ' ἄχῃ,
 Ἐυχεοῖς Γαμβροῖς λῶσα ἅπαντα νέοις.
 Τῶ θαλάμῳ ὁ παρῆσ' ἔρωσ, ἔρις ἀλλά τ' ἀπίστω,
 Ἦθ' Ἦρη ἀλκίω παμβασιλεα φέρε.
 Οἷς παῖδας, παῖδας παίδων ὄψηθε γεγκώτων
 Ἦουχίως θνήσκῃ ἀμφοτέρῃ τριγύρων.

Pectore sum præsens tædis, præclare NEANDER,
 Corpore quantum vis cogar abesse, tuis:
 Pectore non tantum, tenui sed carmine, voto
 Ardenti, ut SPONSIS optima quæq; precer,
 Adsit Eros, procul absit Eris de limine vestro,
 Auxilium SPONSÆ Juno vocata ferat,
 Et videat natos, & qui nascentur ab illis,
 Extremumq; senex claudat uterq; diem.

ELIAS REEWALDT U. J. D.
 Academiæ Francofurtanæ Synd.

Ἐπὶ παλάμῃ Φι Θεῶ.

Connubij sacrata jugo par subdit amanti
 Colla, & diuersas molitur cogere noctes:
 Ilicet hinc frontem septemplice findere sulco
 Ira celer, pallorq; catus non-lata tuentes
 Exhaurire genas, hinc detestabile vulgus
 Curarum; fausta orsa orsis attexere faustis
 Fert animus, festinaq; voti affundere gaudia.
 Ergo novas vires, atq; exhilarabile carmen
 Pimplæo de fonte mihi, crenamq; ministra

A 2

De-



Degenerem mœroris, Amor Musæie, Apollo.
Nox erat, & per humum requies animata fovebat,
Atq; locis dispersa silens erat omnibus umbra:
Cum mihi olorino Cypris alma temone cubanti
Vecta videbatur, præibat amoriferorum
Telorum promus, vestigia ponè premebat
Gratia trina rota: quarum una Euterpe, amate
O vir, fari ore inquit, ades, comitemq; reluctans
Somno junge gradum: Notus Neos - ander, & ardor
Notus, & ad thalamum properans lectissima Virgo.
Excitior somno, flumen sudoris ad imos
Fluctuat usq; pedes: Lethæo tempora ramo
Mi Morpheus mulcet, riguanq; in membra quietem
Rejcit, & extemplò ciliis cerebroq; jacentis
Mercuri formam infundit: ceuroscida Phæbæ
Cum penetrat clausas nocturnâ luce fenestras.
Nuncius ille Deum sic ore profatur: An isto
Defixus lecto, totum te dedere somno
Pronus es? ab requie hac emergere protinus: almus
Te divumq; hominumq; Pater, rerumq; repertor
Pangere vota jubet, dum conjuga vincula amantum
Parneclunt. Pietas & Justa conscia Virtus
Sic etiam voluere: morarum desine, & Alti
Consilij mandata actu refer. Hisce peractis,
In auras abijt. Morpheus, quâ porta patescit
Cornea, transvolitat, quem Umbra, Umbrae moxq; soro-
Et sopor, & Requies comitantur. Protinus ipse

(res,
Somnum

omnum eluctatus, stratoq; emersus, amicis
Mira fibris animi de promo oracula somni.
Mentio fit cornu transibilis: unde probatur
Veriloquum somnios. Dum ergo iuxta caesare bellam
Ducis in amplexus, in strataq; nupta puellam,
Votorum fas est libamina promere mente:
Sic Pietas, sic Jura jubent, caeliq; Guberna.
Conjuga felici det Rex detexere ductu
Festa novis Sponsis, Rex aetheris, aetheris alti:
Omnia sint secreta mali: non nubila lucem
Turpent; deturpet lux nubila, nubila luci
Haec tenus insidiata: torus late scat abunde
Unicapax; Bicapax, & multa conscia prolis
Fiat, & annosâ sic tempestate virescat.
Utq; dies Elaphus juvenili robore longos
Pollet, & ad seros vitali vescitur annos
Aëre pisio caveat vestras accidere vires
Canities, vitalia sero Mortaq; fila.

Aliud ad Dnn. SPONSUM.

Bellus amas bellam non belli tempore belli;
Bella tamen bellæ bella ciere cupis.
Bellus amaror amor; debellat bella rebellis
Bella pudicitia bellus amaror amor.

Talia ex Pimplæo fonte hausta
in gratiam novell. Sponsi
affundebat

THEMOCRITES BASILIUS.

A 3

Ger-

Germane frater, dum tori
Subis jugalis vincula :
Quævis tibi precor bona,
Et cuncta deprecor mala.
Sigratiōse vixeris
Purissimâ cum compare,
Compos eris summi boni
Hoc in, futuro & seculo,

SAMUEL NEANDER REIP.
Luccanz in infer. Lusat. Syndicus.

Quo te carmine demerebor? aut quo
Lætus commemorem, vehamq; versu
JOHANNES mihi plurimum colende
Te, tam divite præditum Minerva,
Dum blandam CATHARAM toro capeffis?
En scripto tibi gratulantur ultrò
Grandi, sed tenui meo Phaleuco
Hoc versu tibi gratulor, precorq;
Ut lætum tibi sit jugale fœdus,
Ut te dirigat autor, & creator
Augustos tibi conferens honores,
Et te prole venustulâ maritum
Ut reddat CATHARINA fida conjux,
Ut te laus operosa consequatur
Et te fama frequentiore plausu
Divulget, precor hoc meo Phaleuco.

*Amoris & benevolentia
ergo scribebat*

CHRISTOPHORUS DAMEROVIUS
Dicafterij Neo - Marchici Protonotarius
in fortalitio Custrinensi.

Quos

Uos thalamo nitidem versus, præclare NEANDER!
Quàm mea nunc grato carmine vena fluat?
Parca Thalia mihi dulces negat usq; fluores,
Ingenio neclunt tempora curta moras.
Attamen Affectus ut crasso pingere ductu
Pertentem, verbo plurima sensa loquar:
Si, quod Sva viloquens Salomonis Musa fatetur,
Res huic bella venit, cui nova Nupta venit,
Quis Tibi Fortuna vultum radiare serenum
Non oculi claro lumine cernat homo?
Dum Genere excellens, Genioq; Genisq; tenella,
Associanda tuo traditur ecce Toro.
Plaudunt Pierides, complodunt undiq; Nympha
Gratatur leto cœlica turba sono
Phœbi consurgunt hilari temone jugales,
Sapius hoc iterant sydera cuncta melos;
Sit thalamus felix, exsors sit Sortis iniqua
Nestoreos numeret Sponsus uterq; dies.
Oscula mille sonent, labrorum junctio blanda
Conjungat firmis pectora amica fibris.
Vestros Mors atrox nunquam disrumpat amores
Dum pisces pelagus, dum vehit astra polus.
Annuat ipse piis votis his Reclor olympi
Acclamet fiat. Fiat id omne precor.

Faultæ acclamationis

ergo

paucula hæc apponebat

M. GOTTFRID PELARGUS.

Jun-

Jungitur EVA Tibi CATHARINA COLASIA Spon-
Deliciæ thalami Virgo futura Tui, (se
JHæc tibi semper erit mel amabile, amabile mulsum
Hæc Te oblectabit flammeolis oculis.
Auctor Conjugij firmet quodcunq; precamur
Quin majora velim, det meliora DEUS.

de properanti calamo

sed ex animo

ita volebat

M. JOHANNES Brunnemann
Col. March.

Ritè maritatus benè natus creditur idem,
Non vero ab ludens dicere vulgus amat.
Grande trabens secum sponsalis pactio vita
Momentum, cauto non properanda viro.
Hoc tu curatâ perpendens lance, NEANDER,
Non aliâ poteras cautior ire viâ.
Cur te felici non credam sidere natum,
Cui benè procedunt jura marita tori?
Est formæ cumulata bonis, virtutibus aucta,
Quæ tibi nupta domum Sponsa pudica venit.
Virginei palmare chori decus atq; corona,
Tres uno Charitas pectore sola gerens.
Omen adest faustum, quod voto prosequor omni,
Prospera connubij fata futura tui.
Et tua quæ multis desit prudentia, chari
Consilio Patris robur adeptæ monet,

Et

*Et Sponsa pietas, & custodita parentum
Cura, Patris splendor, Matris & ingenium.
Candida circumstet thalamum fortuna jugalem,
Augeat antiquam prole frequente domum.*

Observantiæ & honoris ergo
gratulabundus sbbt.

M. JOANNES MOLLERUS CROSN.
Sch. Francof. R.

Spectamus formas, arridet forma puellis,
Oris ubique decor, magna est & gratia vultus.
Magna pudicitia verum lis dicitur esse
Cum formâ, haut semper menti respondet ocellus.
Natales jactant alij, generis que decorem,
Antiquâ veniat sibi Sponsa domoque precantur,
Prædicat ast aliena, genus qui laudat avitum,
Alterius laudes nec virtus proderit ulli.
Et dotem quærunt alij, dites que Mycenâs,
Sponsa, optant, veniat multo spectabilis auro.
Divitis imperium sed Sponsæ venditur auro,
Et locupletis habet nuptæ sua jurgia lectus,
Optima dos virtus, juvenem si quam penes illa,
Hæc dotata satis generosa & pulchra virago est.
Dotibus his mentis celebris doctissime Sponse,
Dum tibi Sponsa venit, calamo tibi grator & ore.
Quod CATHARINA sonat, credo, Sponsa omen habebit
Casta, pudica, aliis nec non virtutibus aucta:

B

EVA

EVA auētrix generis tibi plurima pignora mater
Sistet iisquē tuam pulchrè ceu palmitē mensam
Stipabit, nomenquē tuum per secula stabit.
Quod superest, vestrum tranquillet gratia Jovæ
Conjugium, dulcem ne sit, quod solvat amorem:
Jova bēet, ditet multo vos pignore, vestra
Nec, nisi quæ profunt vobis, mala limina tangant!

Promove & amore

sic gratulatur

ANDREAS SCULTETUS
Scholæ Custrinensis R.

OMnia, nonnē vides, ut Cypridis ille Cupido
Vincat, & ut cunctos fræno domitâsse labore,
Cui toties supplex Avus & stetit; ipsaq; Mater
Quem nunquam valuit prece supplice flectere; nempè
Facta tuâ dulcis de mente Rapina, NEANDER,
Hoc probat; ardenti tactumquē medullitus igne
Pectus; at hæc raptam tibi chara Rapina vicissim
Reddidit & mentem; Sic, quæ involitaverat, illa
Rettulit & pectus tibi; Terquē quaterquē beatq;
Damno, quippe suum, quæ condonare, Rapina,
Atque faces, facibus ferverescere pectora amantiū
Legitimis, solitas nunc permutare frequentet:
Parnassi celebris quas tinxit Delius amne,
Qualque faces, variis ut floribus inde virescant
Perpetuò, infucata Fides benè ventilat ipsa.

Ergò

Ergò
Virgo
Coelit
Namq
Cui T
Gratia
Et sum
Gaude
Cui D
Ac Ev
Sic, in
Et gau
Sint, p
FORT

Ergò tuâ, felix, & ab omni parte beata
Virgo, Heliconiades cinctæ Parnasside lauro,
Coelituumque cohors, summâ quam laude celebrant;
Namq; Animo Sponsus, simul & se CORDE NEANDER
Cui Themis alma favet, pariter quem candida morum
Gratia, quem sollers doctrinæ gloria carum
Et summis imisq; facit; tibi transscripsisse videtur.
Gaude sic etiam tu, Sponse beate, NEANDER
Cui Deus hanc horam felici sorte beavit,
Ac EVAM-KATHARAM thalami sociavit amore,
Sic, inquam, pro sorte novâ tua Gaudia Gaude,
Et gauderetuum credas ea gaudia JHOVAM.
Sint, precor, à tali tandem mea vota JHOVA;
FORTUNET Lectum Deus; & Polytecnia Tectum.

l. m. q. f.

ZACHARIAS KRAUSE

*N. P. C. & Secret. Wriznensis, Sponsi
olim commensalis & concubernalis.*



Carmen Elegiacum quod scripsi Joanni Baptista Gebelio
Svidnic. Silesio Pastori Ecclae in Raciborow.

cum praedum Magistrum nancisceret Decano
M. Theodoro Berto 17 Calend. Maij
A. 624. aetate meae 19.

Ita bonis avibus GEBELI, quos Deus Autor,
Quos te fata vocant, ita bonis avibus.

Magnum opus adgrederis, sed, quod tibi cine fultus
Numinis atberei, fortiter expedies.

Ambuet orantis linguam locuplete Suada,

SPIRITUS Orator caelicus ille, tuam.

Seminium disperge **DEI** per cordium agellos:

Nec sine mole preces, aut sine fruge, dato.

Et vineta **DEI** assiduo accubudq; labore

Percole, quo fructus mille, supraq; ferant:

BAPTISTAM ex cathedra **BAPTISTA** imitare tonantem

GEBELI! vera pro pietate puta:

Instrue non-doctos, errantes corrige, fractos

Erige, confuta dogmata vera minus.

Sic vivente volent tecum partizier annos

Prospera dicentes quos sacra dicta feres.

Sublatiq; olim manibus, sine pondere terram

Manibus optabunt, (sed bene sero) tuis,

Cum tuba te rupta tumba revocabit ab umbris,

IOVA, mei pastor dicet, adesto, gregis;

Ambrosia rursus te pascam & nectare; quare

Magna cape astrati pramia, carpe, poli.

Hoc penitis animi penetrabilibus opto, precorq;

JANE mihi multo n nomine care! **VACE.**

ULB Halle

3

002 062 674



B.I.G.

Black

3/Color

White

Magenta

Red

Yellow

Green

Cyan

Blue

Farbkarte #13

Centimetres

HONOREM
UPTIARUM

VIRI

*eximiâ eruditione & in
causis dexteritate atq; solertiâ
Præstantissimi,*

JOHANNIS

ANDRI

FRANCISCI J. U. C. ET IN DICA-
RALI CUSTRINENSI ADVOCATI
ORDINARIJ,

CUM

â Pudicissimâq; Virgine,

MARINA COLASIA,
VIRI

*Amplissimi, Consultissimi
atq; Excellentissimi,*

ALEXANDRI COLASII

Patris, Serenissimi, & Potentissimi E-
Reverendiss. & Perillustri Comitis à

Imperiali ordinis Eqq. Joannitarum Magistri, &c.

in Francof. Professoris P. Nobilissimæ

Juridicæ Ordinarij & p. t.

DECANI

in Francof. March.

Obiit L. Decemb. Anno 1634.

Funeribus

PROFANA

Funeratorum & Amicorum

CARMINA

MICHAELIS KOCHII.

8